

Roald Ámundsen og Vilhjálmur Stefánsson.

—o—

Enginn efast um að Roald Ámundsen er maður hetjuduglegur og ferðagarpur hinn mesti. En hitt mun þykja ekki eins víst, að göfugmenska fari þar eftir garpskap. Og óvarlegt er það af Ámundsen, að ráðast á dr. Vilhjálm Stefánsson eins óvægilega og lesa má í síðustu bók hans, og nokkuð hefir verið af sagt í blöðum hér. Menn kynnu að halda, að árás þessi væri sprottin af öfund. Að hún væri ein tegund, þó að leiðinleg sé, af viðurkenningu. Sú tegund viðurkenningar er ekki svo óalgeng, og eitt sýnishorn sérstaklega ófagurt, má sjá í kunnri íslenskri bók, sem er eins auðug að illmælum og gamall sorphaugur að eiturjurtum. En öfund hins fræga Norðmanns kynni að vera sprottin af því, að Vilhjálmur Stefánsson mun þykja vísindamaður og rithöfundur meiri, en hetja til ferðalaga ekki síður.

24. nóv.

V. 25.11.27 Helgi Pjeturss.